



DEN NORSKE KYRKJA



**Velkomen som konfirmant i kyrkja!**



# No er det din tur til å bli konfirmant



Konfirmasjon handlar om ditt liv og dine spørsmål.  
Heilt enkelt det som er viktig for deg. Konfirmasjon handlar òg  
om å bli betre kjent med kristen tru. Du får sjansen til å utforske  
mange viktige spørsmål.

I konfirmanttida vil det også vere mogleg å bruke nye sider  
ved deg sjølv, utan krav til prestasjon.



# Kva skjer i konfirmanttida?

Konfirmanttida er variert og innholdsrik.

Her er noko av det du får oppleve:

- Gode fellesskap
- Undervisning og samtalar om kristen tru og det å vere ung
- Engasjement i miljø- og solidaritetsarbeid
- Å bli kjent med kyrkjerommet
- Å vere med på gudstenester
- Turar eller konfirmantleir

Opplegget for konfirmanttida varierer litt frå stad til stad.

*Eg gledde meg til kvar gong  
det var konfirmantsamling.  
Det var eit kjempegodt miljø, og no  
har eg vorte konfirmantleiar!*

—  
**Anna-Lotta**



## KONFIRMASJONSDAGEN

Konfirmasjonsgudstenesta er høgtideleg og fin.  
Du kjem fram til alterringen der det blir  
bedt ei bøn for deg.

## Ei konfirmanttid for alle

Kyrkja er eit fellesskap med mangfald, og vi  
ønskjer at alle skal få ei god konfirmanttid.  
Er det behov for individuell tilrettelegging,  
ta kontakt med kyrkja. Døvekyrkjelydane  
har òg eit eige konfirmanttilbod.  
Sjå kontaktinfo på side 16.

## Er du ikkje døypt?

Du er velkomen til å vera med i konfirmant-tida sjølv om du ikkje er døypt. Men sjølv konfirmasjonsgudstenesta føreset at du er døypt. Kvart år blir om lag 1000 ungdommar døypte i konfirmanttida.

Les meir på [kyrkja.no/konfirmasjon](http://kyrkja.no/konfirmasjon)

# Tema i konfirmanttida

Her er nokre av tema som er med i konfirmanttida:

- Vennskap og relasjonar
- Gud, Jesus og Den heilage ande
- Solidaritet og nestekjærleik
- Sorg og glede, godt og vondt
- Kjærleik, seksualitet og samliv
- Bibel og bønn
- Gudsteneste og nattverd
- Sjølvbilete og menneskesyn
- Miljø og rettferd

*Eg hadde lyst til å lære meir om kristen tru, og så vart eg døypt i konfirmanttida.*

—  
**Julia**

*Vi snakka veldig mykje om det vi ungdommar går igjennom, og som vi kanskje ikkje snakkar så mykje om på skulen eller med foreldre.*

—  
**Elena**

*Tida som konfirmant fekk mykje å seie for korleis eg trur og korleis eg er sosialt.*

—  
**Daniel**





## Samisk konfirmantleir

Samisk konfirmantleir er eit tilbod med samisk innhald, for konfirmantar frå heile landet. På leiren brukar ein dei tre samiske språka og norsk. I 2019 blir leiren arrangert ein stad i Trøndelag frå 21. til 24.mars. Les meir på [kyrkja.no/samisk](http://kyrkja.no/samisk)

## Sámi konfirmántaleaira

Sámi konfirmántaleaira lea fálaldat mas lea sámi sisdoallu konfirmánttaide miehtá riikka. Leairras gulahallá sihke sámegielain ja dárogielain. Leaira lea Trøndelaga fylkkas njukčamánu 21.-24. b. 2019. Loga eanet dás: [kirken.no/samisk](http://kirken.no/samisk)

# Ung i kyrkja

Kyrkja er open for alle. Dei fleste stader finst det tilbod for unge i kyrkja og i organisasjonar som driv kristent ungdomsarbeid. Dette blir du kjent med i konfirmanttida. Mange kyrkjelydar tilbyr leiartrening for deg som ønskjer å bli konfirmantleiar.

## **DU HAR RØYSTERETT**

Når du fyller femten år, er du religiøst myndig. Da kan du røyste ved kyrkjevalet i september 2019.



## OM KIRKENS NØDHJELP

Kirkens Nødhjelp er kyrkjelydane sin internasjonale hjelpeorganisasjon som

- gir nødhjelp i katastrofar
- hjelper folk ut av fattigdom
- påverkar dei som har makt til å gjere noko med årsakene til urettferd

Fasteaksjonen er ein stor dugnad før påske. Da går konfirmantar, foreldre og andre vaksne frå dør til dør for å samle inn pengar til den verdsvide verksemda Kirkens Nødhjelp driv. Les meir på [fasteaksjonen.no/om-aksjonen](http://fasteaksjonen.no/om-aksjonen)

Unge og vaksne bøsseberarar frå Åssiden kyrkjelyd. Frå venstre: Ellen Tordis Gjersøyen Nordkil, Fredrik Enberg Dahl, Daylevon Bucnag og Tore S. Olsen.

# Saman kan vi endre verda

– Alle konfirmantar bør vere med på fasteaksjonen til Kirkens Nødhjelp. Da kan vi hjelpe dei som treng hjelp, og inspirere andre som kan vere med å hjelpe.

Daylevon, Åssiden kyrkjelyd



## KVEN ER CHANGEMAKER?

- Vi jobbar med tema som menneske-rettar, klima, handel og fred.
- Som Changemaker-medlem får du medlemsbladet fire gonger i året, og du kan lære meir om tema vi jobbar med. Du kan òg fleire gonger i året vere med på leirar og seminar der vi diskuterer, lærer, leikar og endrar verda.
- Changemaker har lokalgrupper over heile landet der du kan bli aktiv – sjekk [Changemaker.no](http://Changemaker.no) for å finne ut om det er lokalgruppe der du bur!

Bli med i Changemaker ved å sende «*CHANGEMAKER*» til 2426, eller sjå [changemaker.no/bli-medlem](http://changemaker.no/bli-medlem).

Changemaker-medlemskap kostar 50 kroner i året.

# Bli ein Changemaker

## Verda er urettferdig – men ho kan forandrast!

Vi er unge som jobbar for at Noreg skal medverke til ei meir rettferdig verd. Det gjer vi gjennom å arrangere kreative kampanjar retta mot mellom anna norske politikarar.





Til deg som har fått denne brosjyra i posten frå bispedøme: Denne brosjyra vert send til deg som fyller 14 i år og som er medlem eller tilhøyrande i Den norske kyrkja. Dåp gjev medlemskap. Tilhøyrande er barn og unge som ikkje er døypte, men har forelder som er medlem i Den norske kyrkja. Tilhøyrande vert automatisk sletta frå registeret ved fylte 18 år. Les meir på [kyrkja.no/tilhørseel](http://kyrkja.no/tilhørseel)

## DØVEKYRKJELYDANE

Døvekyrkjelydane har eige konfirmanttilbod

KONTAKTINFORMASJON

Døves menighet i Bergen:

Telefon: 55 56 41 20

SMS: 45 50 27 93


[dovekirken.no/bergen](http://dovekirken.no/bergen)

## UTANLANDS NESTE ÅR?

Du kan vere knytta opp til ei av sjømannskyrkjene rundt om i verda og ha konfirmasjon der eller i eigen kyrkjelyd i Noreg. Det er også mogleg å vere «nettkonfirmant».

Sjå [sjomannskirken.no](http://sjomannskirken.no) eller [nettkirken.no](http://nettkirken.no)

Finn ut meir om konfirmasjon:  
[kirken.no/konfirmasjon](http://kirken.no/konfirmasjon)



**STØRST AV ALT**  
TRUSOPPLERING I DEN NORSKE KYRKJA

